



URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БиХ
AUDIT OFFICE OF THE INSTITUTIONS OF BOSNIA AND HERZEGOVINA

H.Čemerlića 2, 71000 Sarajevo, Tel: ++ 387 (0) 33 70 35 73, Fax: 70 35 65 - www.revizija.gov.ba, e-mail: saibih@bih.nef.ba

01/a - 50-1

13.05/10



Broj: 01-01-50-663-1 /10
Datum: 11.05.2010. godine

| BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO | | | |
|--|-----------------------|------------|--------------|
| PRIMLJENO: 13.05.2010 | | | |
| Organizaciona jedinica | Klasifikaciona oznaka | Redni broj | Broj priloga |
| 01-10-1 | - | 1576 | 10 |

Bosna i Hercegovina
PARLAMENTARNA SKUPŠTINA BOSNE I HERCEGOVINE

Zastupnički dom
n/r gospodina Milorada Živkovića, predsjedatelja

Predmet: Zastupničko pitanje, Poslovni prostor Ureda za reviziju institucija BiH

Cijenjeni,

U svezi sa zastupničkim pitanjem, sadržanim u vašem dopisu broj 01/a-50-1-15-76/10, postavljenim na 76. Sjednici Zastupničkog doma Parlamentarne skupštine Bosne i Hercegovine, održanoj 21. aprila 2010. godine, a koje je glasilo:

'Zašto Ured za reviziju institucija BiH nije preselila u novi prostor koji mu je dodijeljen i koliko je dano za zakup sadašnjih prostorija nakon stečenih uvjeta za preseljenje?'

ovim vam, u cilju približavanja činjenica koje se odnose na trenutačnu poziciju Ureda glede aktualnog pitanja, dostavljamo prepis pisanog obraćanja glavnoga revizora Vijeću ministara Bosne i Hercegovine (akt broj 01-11-50-579/10), kojim se - nakon brojnih usmenih kontakata - navode uzroci, te potkrijepljuje opravdanost odluke o neprihvatanju poslovnog prostora ponudjenog Uredu za reviziju institucija BiH:

'U svjetlu aktualne pozicije Ureda za reviziju institucija BiH, čiji se rad odvija u iznajmljenom prostoru u poslovnoj zgradi Energoinvest-a, u ulici Hamdije Čemerlića 2/XIII, u Sarajevu, koje neriješeno pitanje trajnog smještaja rad Ureda, od dana njegovog osnutka, čini, u znatnoj meri, otežanim, vašu pozornost usmjeravamo na slijedeće:

Postojeće stanje cijenimo temeljnim uzrokom usporenog jačanja kadrovskih kapaciteta Ureda za reviziju institucija BiH, zbog čega smo, u nekoliko navrata, poduzimali mjere na iznalaženju trajnoga rješenja za smještaj naših uposlenika i kapaciteta za rad na jedinstvenu i trajnu lokaciju.

Ovakvo rješenje, podsjećamo, dijelom je i Mjera za osiguranje samoodrživog razvoja Ureda za reviziju, kojima su, u 2003. godini, kroz svoje zaključke, punu podršku dali Zastupnički dom i Dom naroda Parlamentarne skupštine BiH.

Punu podršku rješavanju ovog pitanja, još 2001. godine, dalo je i Vijeće ministara BiH. Ovo, tim prije, što bi isto predstavljalo i svojevrsni garant profesionalnosti njegova osoblja, te jačanja ljudskih i operativnih kapaciteta Ureda kao neovisne revizijske institucije u BiH.

Napore na iznalaženju kvalitetnog rješenja - svakako - nameće i potreba za smještajem 70 uposlenika koji broj predviđen je Pravilnikom o sistematizaciji, a imajući u vidu značaj i specifičnost aktivnosti koju Ured obavlja, svi takvi naponi morali bi značiti i pokušaj pronalaženja poslovnog prostora koji podrazumijeva uvjete koji bi garantirali neometano obavljanje poslova revizije, te vlastiti, od klijenata izdvojeni, poslovni prostor.

Preciznije, takve potrebe podrazumijevaju osiguranje uvjeta za rad odjeljenja za finansijsku reviziju, reviziju učinka, razvoj i međunarodne odnose, razvoj metodologije, kontrolu kvalitete revizije, i međunarodnu suradnju i odnose s javnošću, te rad službe za opće i pravne poslove i menadžmenta Ureda.

Ured za reviziju iznimno cijeni napore Vijeća ministara Bosne i Hercegovine za iznalaženjem kvalitetnog rješenja za predmetni problem, međutim - mišljenja smo kako poslovni prostor u ulici Džemala Bijedića, do broja 37, te dodijeljivanje dijela poslovnog prostora Uredu za reviziju u istoj - trenutačno, a ni dugoročno - ne predstavlja kvalitetno rješenje problema smještaja Ureda.

Podsjećanja radi, svojim dopisom broj 01-01-16-1-12/09, od 07.01.2009. godine, Ured za reviziju je iznio mišljenje kako bi dodijeljivanje poslovnog prostora našoj instituciji na navedenoj lokaciji predstavljalo dugoročno rješenje ovog, još uvijek otvorenog pitanja. Međutim, ponudjeni poslovni prostor, ispostavilo se, značio je znatnu razliku u smislu umanjenja korisne površine, a koja - na Uredu za reviziju ponudjenoj lokaciji - iznosi 758 m² - bruto površine, odnosno 533 m² - neto korisne površine.

Naime, zakupljeni poslovni prostor, koji - u Zgradi 'Energoinvest'-a, u ulici Hamdije Čemerlića - Ured za reviziju koristi - podrazumijeva ukupnu površinu od cca. 842,70 m² (bruto vrijednosti), od koje pod korisnu, neto površinu, potpada 767,00 m².

Dodatni argument kojim Ured potkrijepljuje tvrdnje da ponudjeni poslovni prostor nije i ne može biti kvalitetnim rješenjem jeste i činjenica kako Ured, trenutačno, ima na raspolaganju 30 ureda, dok taj broj u Zgradi u ulici Džemala Bijedića iznosi 19, što - imajući u vidu plan punog popunjavanja ljudskih kapaciteta, sa sadašnjih 48 (koji broj uposlenih nije moguće smjestiti na ponudjenoj lokaciji) - na 70 uposlenika i uspostavljanja pune organizacione funkcije Ureda - svakako - ne odgovara realnim potrebama Ureda za reviziju, koje - s vremenom - uvećavaju - sve veći broj klijenata, zahtjevi za specijalnim revizijama, nužnost intenzivnijeg razvoja i uspostavljanja operativnih kapaciteta revizije učinka, odjela za međunarodnu suradnju, koordinacionog odbora vrhovnih institucija za reviziju i sl.

Uz sve predočeno, te uz već izraženu zahvalnost za dosadašnje napore koje je Vijeće ministara BiH uložilo u iznalaženju rješenja za predmetni problem, Ured za reviziju ovime i zvanično odustaje od prihvatanja ponudjenog poslovnog prostora u ulici Džemala Bijedića, a budući da isti ne ispunjava uvjete koji su temeljem efikasnog vršenja funkcije revizije'.

Navode sadržaja pismena glavnoga revizora, a kao argument više, koji odustajanje od poslovnog prostora u ulici Džemala Bijedića čini jedinim mogućim i razumljivim korakom, ovom prigodom dopunjavamo i činjenicom kako rješenje o prijemu predmetnog poslovnog prostora, kakvim se potvrđuje tehnička ispravnost istog, nikada nije predloženo Uredu za reviziju institucija BiH, te da je zvanična informacija o stupnju dovršenosti poslovnoga prostora u navedenoj ulici izostala.

U svezi sa dijelom zastupničkoga pitanja koje se odnosi na visinu sredstava na ime trošova zakupa izvješćujemo vas kako ova sredstva, na mjesečnoj razini iznose 16.107,00 KM, odnosno 18.845,19 KM (uz obračunatu vrijednost PDV-a).

U nadi da predložene činjenice jesu snažnim argumentom za poduzimanje daljih napora i insistiranja Ureda na iznalaženju kvalitetnog rješenja smještaja radnih i ljudskih kapaciteta, te da iste sadrže predstavljaju adekvatan odgovor na postavljeno zastupničko pitanje, i

s poštovanjem,

